



Fidoyilik –
Vatanga xizmat demak!

Zarafshon

www.zarnews.uz
https://www.facebook.com/zarnews.uz
@zarnews_uz
https://twitter.com/zarnews_uz

Кун ҳикмати

Худо
ўзига эътиқод
қўйган
банданигина
асрайди

1913-yil aprel oyidan chiqa boshlagan

zarafshonbot



Сайтимизга ўтиш учун QR-коднинг телефонингиз орқали сканер қилинг

2021-yil 4-mart, payshanba, 26 (23.462)-son

Вилоят ҳокимининг ҚАРОРИ

ХАЛҚ ДЕПУТАТЛАРИ САМАРҚАНД ВИЛОЯТИ КЕНГАШИНИНГ ОЛТИНЧИ ЧАҚИРИҚ ЙИГИРМА БЕШИНЧИ СЕССИЯСИНИ ЧАҚИРИШ Тўғрисида

“Маҳаллий давлат ҳокимияти тўғрисида”ги Ўзбекистон Республикаси Қонунининг 17-моддасига асосан ҚАРОР ҚИЛАМАН:

- Халқ депутатлари Самарқанд вилояти Кенгашининг олтинчи чақириқ йиғирма бешинчи сессияси **2021 йил 5 март куни соат 9:00 да** чақирилсин.
- Сессия кун тартибига қуйидаги масалалар киритилсин:
 - вилоят инвестициялар ва ташқи савдо бошқармаси комплексининг “Инвестицияларни жалб қилиш, инвесторлар учун яратилаётган қулай шaroитлар ҳамда инвестиция лойиҳаларини амалиётга кенг татбиқ этиш ишлари тўғрисида”ги ҳисоботи;
 - вилоят ҳокимининг ўринбосари, маҳалла ва оилани қўллаб-қувватлаш бошқармаси бошлиғи А.Умаровнинг “Эрта турмуш ва эрта туғруқ ҳолатлари ҳамда оилавий ажримлар билан боғлиқ муаммоларни бартараф этиш бўйича 2020-2021 йилларга мўлжалланган комплекс чора-тадбирлар дастурининг ижро этилиши тўғрисида”ги ҳисоботи;
 - Қўшработ тумани ҳокими Х.Оқбўтаевнинг “Ижтимоий-иқтисодий ривожланиш даражасини баҳолашнинг рейтинг кўрсаткичларига кўра, туманининг ижтимоий-иқтисодий ривожланиш ҳолатини яхшилаш юзасидан амалий чора-тадбирлар дастурининг ижроси тўғрисида”ги ҳисоботи;
 - бошқа масалалар.
- Мазкур қарор оммавий ахборот воситаларида эълон қилинсин.

Вилоят ҳокими Э. ТУРДИМОВ
2021 йил 1 март № 32-Қ

Самарқандда Туркия Бош консулхонаси очилади

Вилоят ҳокими Э.Турдимов Туркия Республикасининг Самарқандда ташкил этилаётган Бош консулхонаси раҳбари Салиҳ Жанерни қабул қилди.

Вилоят ҳокимлиги ахборот хизматининг маълум қилишича, учрашувда Ўзбекистон ва Туркия ўртасидаги алоқалар икки давлат раҳбарлари қатъияти ва ўзаро ишонч, дўстликка асосланган муносабатлари туфайли жадал ривожланиб бораётгани қайд этилди. Салиҳ Жанер Ўзбекистон Республикаси ва Туркия Республикаси ўртасида стратегик шериклик муносабатларини янада мустаҳкамлаш ва кўп қиррали ҳамкорликни кенгайтиришга оид ҳукумат қарори асосида жорий йилнинг 8 март куни Самарқанд шаҳрида Туркия Республикасининг Бош консулхонаси иш бошлашини маълум қилди. Бош консулхона фуқароларга хизмат кўрсатиш билан бирга савдо-иқтисодий ва маданий-гуманитар соҳаларда ҳамкорликни ривожлантиришга алоҳида эътибор қаратиши таъкидланди. Учрашувда икки томонлама алоқаларни янада мустаҳкамлаш, мавжуд имкониятлардан самарали фойдаланиш юзасидан фикрлашиб олинди.

Самарқанд ва Саратов шаҳарлари биродарлашди

Юртимизда меҳмон бўлиб турган Россия Федерацияси Саратов вилояти губернатори ўринбосари Роман Бусаргин бошчилигидаги делегация аъзолари Самарқандда бўлиб, вилоят ҳокими Эркинжон Турдимов билан учрашди.

Учрашувда томонлар савдо-иқтисодий ва таълим соҳаларида икки томонлама ҳамкорликни янада мустаҳкамлаш ва ўзаро алоқаларни ривожлантириш масалаларини муҳокама қилди. 2018 йилнинг октябрь ойида Ўзбекистон ва Россия биринчи минтақалараро ҳамкорлик форуми икки давлат ўртасидаги алоқаларни ривожлантиришда янги саҳифа очгани қайд этилди. Фаол иқтисодий ҳамкорлик натижасида 2020 йилда Самарқанд вилояти ва Россия Федерацияси ўртасидаги товар айирбошлаш ҳажми 242 миллион доллардан ошди. Эркинжон Турдимов бу алоқаларни янада ривожлантириш учун имкониятлар мавжудлигини таъкидлаб, вилоят ҳокимлиги бу борадаги ҳамкорликни қўллаб-қувватлашга тайёрлигини билдирди. Ўз навбатида, Саратов вилояти губернатори ўринбосари Роман Бусаргин янги истиқболли лойиҳаларни амалга оширишда Самарқанд билан тўғридан-тўғри ҳамкорлик алоқаларини ўрнатилган манфаатдорлигини билдирди. Учрашувда Самарқанд ва Саратовдаги олий ўқув юртрали ўртасида илмий-педагогик ҳамкорлик, ўқитувчилар ва талабалар алмашинувини йўлга қўйиш борасида режалар мавжудлиги қайд этилди. Вилоят ҳокимлиги ахборот хизматининг маълум қилишича, мулоқот чоғида Саратов ва Самарқанд шаҳарларининг биродарлашуви тўғрисидаги битим имзоланди. Самарқандга сафар давомида россиялик меҳмонлар вилоятда инвестицион лойиҳаларни амалга ошириш мумкин бўлган ҳудудларда бўлди. “Ургут” эркин иқтисодий зонаси, Самарқанд туризм маркази ҳамда Конигил туризм қишлоғи фаолияти билан яқиндан танишди.

ИЖАРАДА ТУРГАН ТАЛАБАЛАР

қаерда, қандай шароит ва шартларда яшашпти?

Н.Аҳмедов (ургутлик талаба):
- Шаҳарда “квартира” топиш қийинлиги ва қimmatлиги сабабли Ургут туманининг Жартепа маҳалласидан қатнашман. Баъзида кеч қоламан, лекин бошқа иложим йўқ.

О.Абдуллаев (каттакўрғонлик талаба):
- Беш нафар дўстларим билан ҳар биримиз 200 минг сўмдан пул бериб ҳовлида ижарада турибмиз. Пулига яраша шароит бўлса қанийди, афсуски, ҳаммоми йўқ. Талабалар турар жойи ўқриш бошланмасдан тўлади, сабабини ҳеч ким тушунтирмайди.

О.Эшмуродов (қашқадарёлик талаба):
- Ҳамма қатори 200 минг сўмдан ижара пули тўлаб, 6 нафар талаба турибмиз. СамДАҚИда иккинчи босқичда ўқийман. Ётоқхона масаласида мурожаат қилганимда талабалар турар жойларига фақат биринчи курслар жойлаштирилади дейишди.

- Ота-оналар фарзанди қаерда ижарада тургани билан қизиқадими ёки фақат пулини тўлайдими?
- Олий ўқув юртрали раҳбарлари талабалар турар жойлари қуриш ҳақида ўйлармикан? Бу ҳақда шаҳар, вилоят ҳокимлигига мурожаат қилдимикан?
- Ҳокимликлар талабалар турар жойи учун ер ажратадими?
- Гуруҳ раҳбарлари талабанин қаерда, қандай шароитда яшаётгани билан қизиқадими?
- Уйини ижарага берганлар, ҳеч бўлмаса, талабага шароит яратиб беришга бурчли эканлигини биладими?

Агар шу каби саволларга жавобимиз бўлмаса, Тошкентда ижарада турган талабалар билан рўй берган фожиа бошқа жойларда ҳам юзга келиши мумкин.

«Маҳаллангизга Президент келса...»

Муаммо ҳудудни ободонлаштириш билан битмайди

Айни кунларда Каттакўрғондаги маҳалла ва қишлоқларда ҳам ободонлаштириш ишлари олиб борилмоқда. Тумандаги Яқкабоғ маҳалласининг бир қисми, Қорадарё маҳалласидаги ободончилик ишлари билан танишдик.



- Маҳалламизда 5900 аҳоли, 1250 хонадон бор, - дейди маҳалла раиси Акбар Тошев. - Яқинда маҳалламизда туман фавқуллода вазиятлар, ободонлаштириш, йўллардан фойдаланиш бўлимлари ходимларининг кўмаги билан 4 километр ички йўлга тош ташланди, 50 дан ортиқ хонадон сувалди, 2 минг туп кўчат экилди, 150 дан ортиқ кам таъминланган ва ногирон фуқароларнинг томорқаларига ишлов берилди. Тиббиёт биришмаси ходимлари 40 фоиз аҳолини тиббий кўрикдан ўтказди, электр тармоқлари корхонаси эскирган трансформаторларни таъмирлади, тумангаз идораси маиший газ баллонлари тарқатди, тижорат банклари мутахассислари аҳолининг кредитга бўлган эҳтиёжини ўрганди. Лекин бу билан маҳалладаги



муаммолар тўлиқ бартараф бўлмади. Чунки маҳалламизда сув йўқ. Ҳашар билан иккита кўчага 3 километр ичимлик суви тармоғи тортиди. Лекин экинларни суғориш учун сув келтиришнинг имкони бўлмапти. Маҳалламизда ўнга яқин миллат вакиллари истиқомат қилади ва уларнинг аксарияти мавсумий иш билан оила тебратди. Эски ва қўлбола симёғочлар, электр энергиясидаги

узилишлар, табиий газ, ичимлик сувининг йўқлиги туфайли бу ерда бирорта тадбиркорлик фаолияти билан шуғулланишнинг имкони йўқ. Ёшларимиз асосан шаҳарга бориб тадбиркорлик қилади ёки ишлаш учун хорижга кетади. Шу муаммоларга ечим топила, қишлоқда ҳам инфратузилма яхшиланса, фарзандларимиз шу ерда меҳнат қилса яхши бўларди. 2010 йилгача Россияда ишлаб, ортирган маблағдан шу ерда тадбиркорлик қилиш учун мақарон ишлаб чиқариш ускунаси сотиб олиб келдим, - дейди Полвонтепа маҳалласида яшовчи Рауф Мирзаев. - Афсуски, электр таъминотида ижобий ўзгариш бўлмади. Келтирган ускунамизни эса бир неча йил аввал харид қилган нархидан беш баробар арзонга сотишга мажбур бўлдим. Укаларим қолбаса маҳсулотлари ишлаб чиқариш ускунасини келтириб, шаҳарда ишлапти. Қишлоқларда яшовчи болалар ишлаш учун мажбурликдан шаҳарга ёки чет



елга кетишпти. Агар маҳалламизга Президент келса, шу гапларни айтаман. Қишлоқларда инфратузилма яхшиланмаса, қанча кредит берилса ҳам тадбиркорликни ривожлантириш, иш ўрни яратиш, иш билан таъминлаш қоғозда қилиб кетаверади. **Ўқтан ХУДОЙБЕРДИЕВ, «Зарафшон» муҳбири.**

Ҳалоллик ва масъулият – коррупцияга тўсиқ

Давлат солиқ бошқармасида Коррупцияга қарши курашиш бўйича вилоят идоралараро комиссиясининг йиғилиши бўлиб ўтди.

Тадбирда комиссияси раиси, вилоят прокурори Равшан Машарипов, вилоят ички ишлар бошқармаси бошлиғи Шавкат Раҳмонов, Олий Мажлис Сенати аъзоси Фармон Тошев, Коррупцияга қарши курашиш агентлиги масъул ходими Сардор Маманов, вилоят ДСБ бошлиғи Аловитдин Иноғомов ва бошқалар коррупция ҳамда унга сабаб бўлувчи омиллар, ушбу иллатнинг олдини олиш борасида амалга оширилаётган ишларга тўхталди. Жумладан, солиқ тизимида коррупциявий ҳолатларга йўл қўймаслик, касбга садоқат ва масъулият, виждон тамойиллари асосида фаолият юритиш муҳим эканлиги қайд этилди. Шунингдек, коррупция жинояти билан боғлиқ содир этилган ҳолатлар аниқ мисоллар билан таҳлил қилинди. Коррупциянинг олдини олишда жамоатчилик иштирокини кучайтириш таклифи билдирилди. Хусусан, содир этилган ҳолатлар бундан кейин кенг жамоатчилик иштирокида таҳлил қилиниши белгилаб олинди. - Комиссиянинг бугунги йиғилишида билдирилган таклифлар солиқ тизимида порахўрлик, мансаб ваколатини суиистеъмол қилиш каби салбий иллатларнинг олдини олишда муҳим аҳамиятга эга, - деди вилоят давлат солиқ бошқармаси ўз хавфсизлиги ва комплаенс назорат бўлими бошлиғи Ғайрат Матсапаев. - Бугунги кунда давлат солиқ хизмати органлари тизимидаги ҳар бир ходим ўз фаолиятини тадбиркорларнинг маслаҳатчиси ва кўмакчиси тамойили асосида олиб бориши лозим. Ҳалоллик ва масъулиятни ўзига асосий мезон қилиб белгиланган ходимнинг юзи ёруғ, тизимда обрўси баланд бўлади. Йиғилишда ҳар бир раҳбарнинг жамоада коррупцияга қарши кураш бўйича олиб борадиган ишлари, шахсий ибрати юзасидан тавсиялар берилди.

Вилоят давлат солиқ бошқармаси ахборот хизмати.

Кимёнинг мўъжизакорлигига ошиқ бўлган олим

Шундай инсонлар бўладики, уларнинг ҳаётӣ мақсади илм-фан ривожи, жамият тараққиети-га хизмат қилишдан иборат. Турон фанлар академиясининг фахрий академиги Мавлонберди Аvezov ана шундай кишилардан бири.



Шимолий Осетия университети профессори, геномика институти ассосчиси Р. Лохов ҳамда олимлар Н.Андропова, В.Кузмин билан ҳамкорликда олиб борган амалий ишлари таҳсинга совор.

М.Аvezov институт ёш олимлар ва мутахассислар уюшмаси раиси, товаршунослик факультети касаба уюшма ташкилоти раҳбари, Самарқанд шаҳар ҳокимлиги қошидаги Тадбиркорлар ассоциацияси директори лавозимда меҳнат қилди.

Бир неча фан номзодларини тайёрлаган, 200 га яқин илмий мақолалар муаллифи бўлган М.Аvezov 1998 йил Россия ФА Биоорганика институтида докторлик диссертациясини ёқлади.

Устознинг Самарқанд қишлоқ хўжалик институти проректори лавозимда ишлаган вақтлар илмий ишланмаларни амалиётга татбиқ этиш, таълим-фан-ишлаб чиқариш интеграцияси бўйича олиб борган ишлари ҳам диққатга сазовор.

Устоз Ўзбекистонда "Гурунч чиқиндиларидан гурунч мойи олиш технологияси" лойиҳасининг муаллифи саналади. Шу соҳа бўйича АҚШнинг Арканзас штатида бўлиб ўтган конференцияда иштирок этиб, илмий текшириш институтида тўрт йил фаолият кўрсатди.

Р.Шедер номидаги узумчилик ва виночилик илмий текшириш институти билан биргаликда узумнинг замбуруғли оидунинг антропоз касаллигига қарши кимёвий моддаларни умумлаштириб, республика гранти совриндори бўлди.

М.Аvezov 2004 йил отаси Р.Аvezov билан ҳаммуаллифликда мактаб, лицей ва коллежларнинг кимё фани ўқитувчилари учун ёзган "Қизиқарли кимё" китобини ўзбек тилида қайта нашр эттирди.

Домла турмуш ўртоғи, СамДАҚИ ўқитувчиси бўлиб ишлаган Ойиша опа билан жамиятга муносиб фарзандларни камолга етказишди.

Бугун 75 ёши қаршилаган Мавлонберди Аvezovга самарқандлик кимёгарлар номидан муштакам соғлиқ, шарафли фаолиятида омад тилаймиз!

Қадриддин ХАЛИЛОВ, Нурали МУҲАММАДИEV, Невмат НИЗОМОВ.

Xalqimiz orasida "Ko'za kunida sinadi", degan ibratli so'z bor. Keling, bu hikmatli so'zni to'g'ri talqin qilgan holda tahlil qilaylik. Darhaqiqat, e'tiborsizlik qilib, qishning sovuq kunlarida suvli ko'zani dalada qoldirsak, suvning muzlashi tufayli ko'za sinadi. Sovuqda qolgan suvli qum'g'on yoki paqir ham yorilib qolganini ko'rganmiz. Yoki sovutkichda turib qolgan gazli suv to'ldirilgan shishalarning singanini bekalar ko'p kuzatadi. Bu idishlar sinishiga sabab nima?

Ko'za har kuni sinmaydi

Vatandoshimiz, ulug' tabib Abu Ali Ibn Sino Beruniyning savoli-ga javob yozadi: "Hech yerda bo'shliq-vakuum bo'lishi mumkin emas, fazoning har bir bo'lagi moddiy jismlar bilan to'ldirilgan". Qishda suv bilan tashqarida qolgan ko'zadagi suv muzlashi natijasida torayib (ya'ni, hajmi kichiklashib), muz bilan ko'za devori orasida bo'shliq (vakuum) hosil bo'lish imkoni tug'ildi, bu mumkin emas. Shuning uchun ko'za idishi devori bu bo'shliqni to'ldirishga urinadi, natijada ko'za sinadi.

Ibn Sinoning ilmiy qarashlarida o'rta asr saboqlariga xos soddalik bor. Chunki al-kimyogarlarning tajribalariga asoslanib, bir qarashda sodda ko'ringan, ammo aslida juda murakkab bo'lgan suvning xossalari tushuntirib bo'lmaz edi. Bu javobda ozmi-ko'pmi haqiqat bor, suvda erigan havo suv bilan birgalikda muzlaydi.

Hozirgi zamon ilmi muzning suv ustida suzib yurishini ham, ichidagi suv muzlaganda ko'zaning sinishini ham osongina tushuntiradi. Suv sovultila boshlansa +4 ilik haroratgacha boshqa hamma moddalar kabi suv ham zichlashib, hajmi kichiklashib boradi, harorat yana pasayib boshlansa, boshqa hamma moddalardan farqli ravishda suvning zichligi kamayib, hajmi oshadi. Harorat 0 darajadan pastga tushganda suv butunlay muzlab, zichligi maksimal kamayadi, hajmi maksimal ortadi. Natijada suvdan ko'ra yengillashib qolgan muz suv ustida suzib yuradi, hajmi katta bo'lib ketgan muz ko'zaga sig'may qoladi va ko'za sinadi.

Suv va muzning mana shu birgina g'ayritabiiy xossasi (boshqa xossalari ham hisobga olish kerak) yerda hayotni ta'minlab turibdi, desak mubolag'a bo'lmaydi. Bir tasavvur qilib ko'raylik. Ichidagi suv muzlab bitta-ikkita ko'za sinsa hech gapmas, bozordan yangisini keltirib ishlatamiz. Ammo muz suvdan og'irlik qilib, daryo va ko'llarning tagiga cho'kib, dengiz va okeanlarning qatriga ko'milib ketaverganda nima bo'lar edi? Hamma suv havzalari muzga to'lib ketmasmide? Dengiz va okeanlarda yashayotgan baliq va boshqa jonivorlar bilan oziqlanib yurgan inson bepoyon muz sahrosida qutub oq ayig'i kabi ozuqa izlab sargardon bo'lmamidi? Balki insonning o'zi ham bo'lmaz edi.

Shukurlar bo'lsinki, Alloh hali bizni yaratmay, yashashimiz uchun tabiatdagi barcha moddalardan farq qiladigan suvni yaratib qo'ygan. Tabiatda yashab turgan barcha jonivorlar, jumladan, insonning o'zi ham suvning hosilasidir. Shuning uchun inson borligining, sog'ligining, faoliyatining, hayotining asosi suvdur. Suv hayot manbaigina emas, yerda hayot paydo bo'lishining asosi, hayotning o'zi. Fransiyalik yozuvchi Antuan De Sent Ekzyuperini suvning nasriy madhiyasini yaratgan deiyish mumkin:

"Suv-uv-v! Suv-uv-v, sening na ta'ming, na ranging, na hiding bor, seni ta'riflab bo'lmaydi - sening nimaligingni bilmasdan turib sendan huzur topadilar. Oddiygina qilib sen hayot uchun zarursan deb bo'lmaydi, sen o'zing hayotsan. Sen dunyodagi eng ulkan boyliksan".

Har birimiz bu ulkan boylikdan bahramand bo'laylik, huzur topaylik. Uni toza saqlaylik, asrab-avaylaylik. Boboqul JO'RAYEV, fizika-matematika fanlari nomzodi, dotsent.

Rayhona havaskor shaxmatchilar musobaqasida g'olib bo'ldi

O'zbekiston milliy paralimpiya assotsiatsiyasi tomonidan jismoniy imkoniyati cheklangan havaskor shaxmatchilar o'rtasida ilk bor respublika musobaqasi tashkil etildi.

Unda Samarqand shahridagi 61-kar va zaif eshituvchi hamda 59-ko'zi ojiz bolalar uchun ixtisoslashtirilgan maktab-internatlar o'quvchilari hamda bulung'urlik lllhom Ergashev munosib ishtirok etdi.

Ayollar o'rtasida o'tkazilgan musobaqada 59-maktab-internatining 11-sinf o'quvchisi Rayhona Sharofova barcha raqiblaridan ustun kelib, musobaqa g'olibi bo'ldi.

Ergashev uchunchi o'rinni egallab, bronza medali bilan taqdirlandi.

Oysahat XOLIQOVA, xalq ta'limi a'lochisi.

XURMATLI SAMARQANDLIKLAR!

Samarqand shahridagi «Shuxrat oromi» MCHJ yurtimizdagi «Chinobod», «Zomin», «Turon», «Xumson», «Botanika», «Buston», «Chotqol», «Chim'on» va boshqa sanatoriyalar sanitariga qoidalari-ga tuluq riyoz etgan holda ishlab turganligini ma'lum qilib, ushbu siqatxoqlarga i'ullanma berish xizmatini taklif etadi.



T'LOV SIZ HOXLAGAN SHAKLDA.

Manzil: Samarqand shahri Mirzo Ulug'bek k'chasi, 42-uy. Murojaat uchun telefonlar: 66-233-75-68, 91-555-71-84.

Advertisement for XalqBanki featuring a woman with a money bag and text about financial services, interest rates, and branch locations.



Mustaqillik yillar Samarqandda

1997 йил, ноябрь

22 ноябрь куни АҚШ Конгресси вакиллар палатаси ташкилий-процессуал комитети раиси Жералд Соломон Ўзбекистон Ташқи ишлар вазири А.Комилов ҳамроҳлигида Самарқандга келди.

декабрь

Чакана савдодаги молларнинг захирадаги ҳажми 1 декабрда 1,8 миллиардни ташкил қилди.

Вилоятда 1162 та умумтаълим мактаби бўлиб, сўнгги икки йилда 14 минг ўқувчи ўрнига эга 17 та янги мактаб биноси ва 15 та кўшимча синфхона фойдаланишга топширилди. 105 та мактабга табиий газ ва 33 та мактабга ичимлик суви тармоғи ўтказилди. Ўрта мактаблар негизда 21 та лицей ва 22 та гимназия ташкил этилган. 10 та хунар лицейи ва 9 та бизнес мактаби ишламоқда. 42 та мактабдан ташқари тарбия муассасаси, 27 та кечки умумтаълим мактаби, 12 та узлуксиз таълим маркази, 18 та махсус мактаб интернати ва меҳрибонлик уйи мавжуд.

Самарқанд туманида Эрон Ислоҳ Республикаси билан ҳамкорликда республикада ягона "Пируз-лорч" номили пел ишлаб чиқариш корхонаси ташкил этилди.

19 декабрь куни вилоят ҳокимлигида Республика Бош вазири ўринбосари М.Усмонов бошчилигида Вазирлар Маҳкамаси истеъмол бозорини тўлдириш комиссиясининг сайёр кенгаши ўтказилди.

20 декабрь куни вилоят ҳокимининг қарорига кўра, Акбар Жамилев Нарпай тумани ҳокими этиб тайинланди.

Вилоят индустрияси ва истеъмол бозори комплекси тармоқлари 2571,9 минг аҳолига хизмат кўрсатмоқда. Хозирда 4402 та савдо шохобчаси, 197 та истеъмол моллари ишлаб чиқарувчи корхоналар, 5200 машиий хизмат кўрсатиш шохобчаси фаолият кўрсатмоқда. Улар томонидан ўтган 11 ой давомида 19,5 миллиард сўмлик халқ истеъмоли моллари, шундан 15,2 миллиард сўмлик озиқ-овқат ва 4,3 миллиард сўмлик озиқ-овқат моллари ишлаб чиқарилди. Ўтган йилнинг шу даврига нисбатан ишлаб чиқариш моллари 2,5 миллиард сўмга ёки 14,8 фоизга кўпайди.

Вилоятда 2920 тонна ун, 1467 тонна ўсимлик ёғи, 2139 тонна шакар, 209 тонна чой, 255 тонна хўжалик совуни муқтақли олиб келиб сотилди.

Footer containing Zarafshon newspaper information, contact details, and ISSN/ISSN-E numbers.